


مکرمات

ادبی و سیاسی رسالهٔ اسبوعیه در

۲۰ نجی سنه



۲۶ جادی الاولی ۱۳۲۹

پنجشنبه

جزء عدد : ۹۷

مطبوعاتك چكن هفته کی حالی

مطبوعاتك شوچكن یدی سکز کون ظرفنده کی صفحات غربیه سنی تعریف ایچون بر تشیه صحیح بولفده خیال و تصور خصوصنده ال و لود اولان شاعر لر بیه اظهار عجز ایدر. ادراره عرفیه نك دیوان حربندن صادر اولان قرار لر استیناف و تمیزدن مستغنی و بالتبع قطعیدر. ایسته ارباب مطبوعات بوکاده قوه ذکاویه سنی استعمال، یعنی برنبذه فکر ایجادینی اعمال سایه سنده چاره بولشددر. دیوان حرب، بر غزته یی تعطیل ایدر ایتمز، ایرتسی کونی او غزته نك یرینه بر بشقه غزته قائم اولبور.

مثلا طنین جنبی، جنین سینی استخلاف ایدبور. عجبا مسئله قیادیلان بر غزته نك یرینه بردیکر غزته چیقارده بیلکدن عبارتیدر. اگر بوندن عبارت ایسه بك قولای! حتی طنین آرزو ایدر سه همده معنیدار دها بش ارن قدر اسم ابله تعین و تسمیه اخلاف ایدم بیلیر.

فقط دیوان عرفیدن صادر اولان بر حکم ظن ایتمیز که غزته نك عنوانه منحصر طویلورده تبدیل عنوان ایتمی موجب اولسون و بناء علیه بوسورتله سبب حکم دخی ازاله ایدلش بولنسون. مقصد مزنی سوء تفسیر اوغرا تمام لرینی رفقای محترمه مزدن رجا ایدرز. بزجه دیوان عرفینک مقرراتی متحمم الاتقیاد قرارلردندر. بوجهته آکا مطاوعتیز بر امر ضروریدر. چونکه اداره عرفیه یی بر لزوم صحیح اوزرینه اعلان ایلدک. بناء علیه آنک انخاضی موجب اولان سبب زائل اولدقجه، آنک هر حکمنه سرفرو و جدیقنی اخلاص ایدم جک هر حالدن اجتناب ایتمک کمز اقتضا ایدر.



مطبوعاتکی چکن هفته مشغول ایدن شیلردن بری ده میر آلاهی صادق بکک بیاننامه مطبوعیدر. صادق بك بوبیاننامه سنده اردونك و تعبیر دیگر لهضایطانك سیاسیاتدن مجتنب بولملرینی توصیه ایدبور.

عثمانیشرلوید نامبله شهرمنده چیقان آلمان غزنه‌سی ، صادق بکک بو بیاننامه‌سی حیرتله تلقی و کندی نقطه نظرندن تنقید ایتدکن صکره صوک جله‌سنده شویله دیمشدر :

« صادق بک ، وطنک تحویل‌مقدرا‌نده حصول‌نجدده خدمت ایتش ناموسلی برضا بطدر . لکن کندیسنی - بته کندیسنی - استشنا ایدرک رقاسنی سیاسیات ابله اشتغالدن تحذیر ایچون نه کافی درجه‌ده تجربه سیاسیه‌نی ، نده بر مریخی حائرذر .

فرانسک حیات سیاسیه‌سی ، جنرال بولاترمنک تحریکات واقعه‌سی یوزندن بیوک برته‌لکه‌یه دوشمشدی . جنوی آسریقا جمهورلری جنراللرک سیاسیات ابله اشتغال ایتلرندن طولانی وقت اختلالره گرفتار اولیور . بناء علیه صادق بکک ، عسکرک سیاستله توغل ایتماملری آرزوسنی اظهار ایتسی طوغریدر . احتمال ، بلکه بوامل اسعاف اولنور . »



حریه ناظری محمود شوکت پاشا دخی دونکی غزنه‌لرده صورتی نشر اولنان بر تلغرافنامه وئد کره‌سیله عسکره سیاساتله اشتغالدن اجتنانی امر ایتشدر بوامرک مقام اعتباریله ، صادق بکک وصایاسندن زیاده تأثیر ایتسی مأمولدر .



هفته‌نک شئون مهمه‌سندن بری ده مدت اجتماعیه‌نک تمیدی طلبیله مبعوثاندن بر طاقنک ویردیکی تقریر ایدی که اون‌بش کوندن بری مدار کفتکو اولقده ایدی . نهایت صالی‌کونی دور و دراز بر مناقشه‌دن صکره مسئله ، عدم تمید طرفدارلرینک آرزولری وجهله بر طرف اولدی ؛ ۹۶ رأیه قارشی ۱۰۹ رأی اکثریتله طلب واقع رد ایدلدی .

بواکثریت ، براکثریت‌غالبه عد ابدیله‌من . چونکه بر هفته‌دن بری امضا صاحب‌لرندن بر طاقم ذاتلرک نکولی ، و بر طاقنک مستنکف‌صورتنده اعتزالی‌نظر اعتباره آلنیرسه تمید طرفدارلرینک معنی غالب اولدقلری ظاهر اولور . باخصوص عدم تمید طرفدارلری بشقه با لمانلرده جاری اولیان بر اصولده مراجعت ایلدیلر ؛ وکلادن ده رأی طویلادیلر . حتی اک صکره رئیس مجلس بیله اوطاقه اتباع ایلدی .

اوت ! مشهوردر :

« عادت بودر آخرده کلور بزمه اکابر . »

